

U skladu sa članom 8. i 13. Zakona o principima lokalne samouprave u Federaciji Bosne i Hercegovine („Službene novine Federacije“ broj: 49/06 i 51/09) a na osnovu člana 8. Zakona o matičnim knjigama („Službene novine Federacije“ broj: 37/12) tačke 11. Upustva o načinu vođenja matičnih knjiga („Službene novine Federacije“ broj: 63/12) i člana 6a i 32. Statuta općine Hadžići, Općinsko vijeće na 5. sjednici održanoj dana, 28.03.2013. godine, d o n o s i

O D L U K U
O ODREĐIVANJU JEDINSTVENOG MATIČNOG PODRUČJA OPĆINE HADŽIĆI

Član 1.

Ovom Odlukom, za područje općine Hadžići, određuje se matično područje za koje se vodi matična knjiga rođenih, matična knjiga umrlih, matična knjiga vjenčanih i matična knjiga državljana.

Član 2.

Matične knjige iz prethodnog člana ove Odluke vode se za matično područje koje obuhvata slijedeća naseljena mjesta: Aleksići, Ban Brdo, Bare, Beganova Ravan, Beganovi, Binježevo, Breza, Budmolići, Buturovići kod Drozgometa, Buturovići kod Osenika, Crepljani, Češće, Čičke, Čate, Deovići, Do, Dobrijevac, Doljani, Donja Bioča, Donja Raštelica, Donji Hadžići, Donji Zovik, Dragovići, Drozgometa, Dub, Dupovci, Duranovići, Đanići, Đapići, Ferhatlije, Garovci, Gornja Bioča, Gornja Raštelica, Gornji Zovik, Gradac, Grivići, Grude, Hadžići, Japalaci, Jeleč, Kahrmani, Karaosmanovići, Kasatići, Kazina Bara, Korča, Korijen, Koščan, Kućice, Kukrika, Lihovci, Lokve, Luke, Ljubovčići, Malotina, Medvjedice, Mehina Luka, Miševići, Mokrine, Mostarsko raskršće, Musići, Obrovac, Odžak, Orahovica, Osenik, Paklica, Pazarić, Potkraj, Ramići, Resnik, Sejdanovići, Sivice, Smucka, Suhodol, Sutice, Šavnici, Šinici, Šunji, Tarčin, Trnčići, Trzanj, Urduk, Ušivak, Vrančići, Vrbanja, Vukovići i Žunovnica.

Član 3.

Područje općine Hadžići se određuje kao jedinstveno matično područje za sva naseljena mjesta navedena u članu 2. ove Odluke.

Sjedište jedinstvenog matičnog područja je u Općini Hadžići.

Član 4.

Matična knjiga rođenih općine Hadžići vodi se kao jedinstvena knjiga u sjedištu matičnog područja. Matična knjiga umrlih općine Hadžići vodi se kao jedinstvena knjiga u sjedištu matičnog područja. Matična knjiga vjenčanih općine Hadžići vodi se kao jedinstvena knjiga u sjedištu matičnog područja. Matična knjiga državljana vodi se kao jedinstvena knjiga za cijelo područje općine Hadžići u sjedištu matičnog područja.

Član 5.

Stupanjem na snagu ove odluke prestaje da važi Odluka općinskog vijeća Hadžići broj: 01-01.2-1703/07 od 01.02.2007. godine.

Član 6.

Ova odluka stupa na snagu danom donošenja i objaviće se u Službenim novinama Kantona Sarajevo.

Broj: 01-01-2-3012/2013
Hadžići, 28.03. 2013. g.

Predsjedavajući
Općinskog vijeća Hadžići

Adnan Proha

O b r a z l o ž e n j e:

Pravni osnov:

Pravni osnov za donošenje Odluke o određivanju matičnih područja općine Hadžići sadržan je u odredbama člana 8. Zakona o matičnim knjigama („Službene novine Federacije“ broj: 37/12) te u sadržaju tačke 11. Upustva o načinu vođenja matičnih knjiga („Službene novine Federacije“ broj: 63/12). Navedene odredbe, određuju da se odlukom općinskog vijeća utvrđuju matična područja- mjesta gdje se vode matične knjige i njihova sjedišta, dajući ujedno mogućnost određivanja jedinstvenog matičnog područja odnosno mogućnost vođenja jedinstvenih matičnih knjiga rođenih i umrlih za više naseljenih mjesta, ako su ta mjesta prostorno povezana i olakšavaju efikasnije obavljanje poslova.

Razlozi donošenja:

Stupanjem na snagu novog Zakona o matičnim knjigama („Službene novine Federacije“ broj: 37/12) prestala je primjena Zakona o matičnim knjigama („Službeni list RBiH“ broj: 20/92 i 13/94). Primjena novog Zakona počela je u maju mjesecu 2012. godine, a time i naša obaveza da uskladimo već postojeću Odluku o utvrđivanju matičnih područja općine Hadžići u kojima se vode matične knjige rođenih, umrlih, vjenčanih („Službene novine Kantona Sarajevo“ broj: 16/07) sa odredbama člana 8. novog Zakona odnosno tačke 11. Upustva o vođenju matičnih knjiga („Službene novine Federacije“ broj: 63/12).

Predložena rješenja:

Dugogodišnja uspješna primjena Odluke o utvrđivanju matičnih područja općine Hadžići u kojima se vode matične knjige rođenih, umrlih, vjenčanih iz 2007. godine, u potpunosti je opravdala očekivanja o potrebi vođenja jedinstvenih matičnih knjiga te takođe i okupljanje svih matičara na jednom mjestu, u matičnom uredu općine Hadžići u Hadžićima.

Usklađivanjem ove Odluke sa odredbama novog Zakona o matičnim knjigama zapravo se svelo samo na izmjenu sadržaja uvoda odnosno izmjene i dopune pravnog osnova donošenja ovakve Odluke pozivom na odredbe Zakona čija je implementacija u toku kao i pozivom na odredbe člana 6a izmjena i dopuna Statuta općine kada su u pitanju nazivi naseljenih mjesta što opet predstavlja neophodan podatak za rad matičara pri pravilnom vođenju matičnih knjiga.

Upis činjenica rođenja, smrti... vrši se u matičnu knjigu mjesta gdje se ta činjenica dogodila. U današnje vrijeme upis činjenica rođenja djeteta u najvećem broju slučajeva vrši se u matičnu knjigu općine Centar Sarajevo kao matičnom području gdje se dijete rodilo (Bolnica Koševo ili Državna bolnica). Slična je situacija kada je u pitanju upis činjenice smrti. Zbog navedenog su se i objedinile kako matične knjige rođenih po naseljenim mjestima tako i matične knjige umrlih po naseljenim mjestima u jedinstvenu matičnu knjigu rođenih odnosno jedinstvenu matičnu knjigu umrlih kako to pozitivni materijalni propisi iz te oblasti i dozvoljavaju.

Pripremila:

Služba za opću upravu, društvene djelatnosti
i zajedničke poslove